# 明將麻雀

### 概要

- 四人麻雀, 爭取排名為主, 打東南圈 + 決勝局。每人250分開始, 返點300。
- 唔用花牌,一共136隻,王牌十四隻,尾十五隻係海底牌,尾七棟牌頂起係寶牌指示牌,冇槓赤寶。
- 補槓係用海底牌補,王牌喺開完寶牌指示牌之後就唔會郁。
- 一翻起和。全統制。有一家負分,牌局就立即結束。
- 牌河、鳴牌要好似日麻咁排好。暗槓立即明示。
- 振聽只振現物/同巡現物 (聽多扉的話,其他有打過嘅扉有呢個限制)。
- 截和,無雙響。無中途流局。莊家食和冧莊,否則過莊,不聽罰分為一共30分。

### 和種列表

#### 總類

• 立直:1翻(門清限定)

門清聽牌時支付10分供託,之後唔可以轉章。和出可以翻裏寶牌。 喺唔改變聽牌種類或送槓情況下,可以暗槓(可以改變牌姿或翻種)。 其他細則請參考立直麻雀。

- 門摸斷平:0-1種0翻、2種1翻、3種2翻、全部4種3翻。
  - 門清:冇上/碰/明槓。
  - 。 自摸:自摸和了。
  - 。 斷么九:手牌中冇么九或字牌。
  - 平和:手牌有四個順子。聽牌牌型、雀頭冇限制。

#### 染手類

• 混一色:2翻

手牌全部由筒索萬其中一種,加字牌組成。

清一色:5翻

手牌全部由筒索萬其中一種組成。

缺一門:1翻

手牌全部由筒索萬其中兩種組成。

五門齊:2翻

手牌有齊筒、索、萬、風牌、及三元牌。可複合七對子,不複合十四不靠。

#### 刻槓類

• 暗槓:每組1翻

• 對對和:2翻

手牌有四個刻或槓,冇順子。

● 三暗刻:2翻

手牌有三個暗刻或暗槓。

• 三連刻:3翻

手牌有同花三個連續刻子。

三槓:5翻手牌有三個槓子。

#### 字牌類

• 役牌:每組1翻

三元牌、門風、或圈風牌,每組一翻。連風牌計2翻。

• 小三元:2翻(最少4翻)

有二個刻或槓嘅三元牌,再加上一對三元牌做眼。必定複合兩個三元刻子。

大三風:3翻 有三個風牌刻子。

#### 么九類

• 混全帶么:2翻

每一組面子及眼均帶有么九或字牌。

• 純全帶么:3翻

每一組面子及眼均帶有么九數牌。

• 混么九:3翻(最少5翻)

全由么九加上字牌組成。必定複合七對子或對對和。

#### 般高類

● 一般高:1翻

手牌有兩組同花同數字嘅順子。

• 雙般高:3翻

手牌有兩個一般高。不複合七對子。

• 一色三同順:4翻

手牌有三組同花同數字嘅順子。

#### 三色類

• 三色同順:2翻

手牌有筒索萬有同數字嘅順子。

• 小三色同刻:2翻

手牌有筒索萬其中兩門同數字嘅刻子或槓子,剩低一門有同數字做眼。

• 三色同刻:5翻

手牌有筒索萬同數字嘅刻子或槓子。

#### 數字組合類

• 清龍:2翻

其中一門有123, 456, 789三個順子。

• 四歸一:每種1翻

有四張相同嘅牌用喺一組刻子同順子。

• 四歸二:每種2翻

有四張相同嘅牌用喺一對眼同兩組順子。

• 四歸四:每種4翻(最少6翻)

有四張相同嘅牌用喺四組順子 (必定複合染手同順)。

#### 偶然類

● 槓上開花:1翻

補槓時食出。大明槓後和牌計食出銃。

• 搶槓:1翻

食其他人加槓嘅牌。

• 海底撈月:1翻 海底牌自摸。

河底撈魚:1翻

人地摸完海底牌後,食佢地打出嘅牌。

#### 特殊牌形

• 七對子:2翻(門清限定)

手牌由七對牌構成。可以有四隻一樣嘅牌,當做兩對。可複合五門齊。

• 十四不靠:2翻(門清限定)

手牌由單張3種花色147、258、369嘅數字牌及東南西北中發白中的任何14隻組成。不複合五門齊。

#### 懸賞

- 寶牌指示牌同日麻唔同,寶牌指示牌就係寶牌。
- 寶牌由尾七棟開始開:莊家未連莊開兩隻寶牌指示牌、連一次莊開三隻、連兩次或以上莊開四隻。
- 寶牌唔可以用嚟起和。
- 立直和了後,可以翻開一隻裏寶牌(尾七棟下面嗰隻)。
- 同日麻唔同,每一隻指示牌最多計一翻。

#### 小例牌

- 天和: 莊家配完牌就食出,暗槓之後就唔計。
- 地和: 閒家配牌嘅13張已聽牌,食莊家打出嚟嗰隻牌,莊家暗槓咗就唔計。
- 人和: 間家喺第一巡就食出,自摸或食出銃。之前有人上碰槓就唔計。
- 大三元: 有三個刻或槓嘅三元牌。
- 小四喜:有三個刻或槓嘅風牌,再加上一對風牌做眼。
- 十三么九: 十三種么九字牌入面, 其中一種有一對, 另外十二種各一張。 唔可以搶暗槓。
- 九蓮寶燈: 門前清清一色牌入面,有1112345678999,再加任何一隻。(1/9唔可以暗槓)。
- 四暗刻: 手牌有四個暗刻/暗槓。如果雙碰聽,必需要自摸;如果聽單騎,就可以食出銃。
- 四連刻:同門四個連續嘅刻子。

#### 大例牌

- 大四喜: 有四個刻或槓嘅風牌。
- 字一色: 手牌全部由字牌組成。
- 清么九: 手牌全部由么九牌組成。
- 四槓:有四個槓。
- 十三么九十三面聽: 十三種么九牌各有一隻,十三面聽牌並食出。
- 四暗刻單騎: 有四個暗刻,和出的牌型為單騎。
- 純正九蓮寶燈: 手中有同門1112345678999,九面聽牌並食出。
- 七連對: 門清和牌,和出時有同門七對連續數牌。
- 一色四同順: 手牌有四組同花同數字嘅順子。

### 計分法

翻數	基本分	3倍基本分				
1	4	12				
2	8	24				
3	16	48				
4	30	90				
5	40	120				
6	50	150				
7	60	180				
8	70	210				
9	80	240				
10+	90	270				
小例	120	360				
大例	160	480				

累計翻數夠10翻就叫爆棚,計10翻,再多啲翻都唔會再加上去。

自摸時,每家畀基本分。出銃時畀三倍基本分。

## 摸和

當四家不聽,或四家聽牌,無不聽罰分。

當一家聽牌,其餘每家畀10分。

當兩家聽牌,每家收取15分。

當三家聽牌,不聽嗰家向其他三家畀10分。

摸和過莊,不論莊家有冇聽牌。

## 供託

食和嘅人可以攞哂啲供託。立直嘅人要畀10分供託。

## 細則

#### 振聽

如果食出銃嘅時候食嗰隻牌係自己打過,或者食同巡有人打過(同巡現物),就會當食詐和。

並有日麻嘅振聽咁嚴緊。如果聽多扉,有打過嘅扉係唔會受限制,例如一家聽四七萬,佢打過四萬但有打過七萬,咁佢係可以食人地七萬。自摸不受限制。立直後嘅振聽都係只限制現物振聽。

#### 食替過水

刻子唔可以食替,順子可以上完打另一隻,例如二三萬,上一萬打四萬係可以,但唔可以上一萬打一萬。

碰牌並冇限制,例如南家有一對東,西家打東南家唔碰,如果同巡北家打東,南家係可以碰。

#### 詐和

如果有一家食詐和,每家統一賠90。

#### 包牌

捨牌令其他人鳴牌並役滿確嘅一家要包牌,可包嘅役種有大三元、大四喜、四槓子、四連刻、及一色四同順。當役滿確定一家自摸和出,包牌者要幫其餘兩家支付分數,或者當食出銃,包牌者要支付一半分數。

#### 上下役

清一色唔計混一色或缺一門、純全帶么同混么九唔計混全帶么、雙般高同一色三同順唔計一般高。

### 決勝

參考RMU嘅新決勝方式嚟避免目無的問題。當南4局完結並落莊後,就會進入決勝局,由暫時第一位做莊。

- 冇圈風,當局嘅莊係東家。
- 牌局只有當(1)有人和牌並其分數在結算後為四家(絕對)最高並不少於300分,或(2)有一家負分,就會結束。四家嘅分數就會係最終分數。二、三、四位有同分時,摸牌次序較接近一位嘅一家優勝。
- 和出者做莊,而非輪莊。
- 如果摸和,下家做下一局嘅莊。

## 役種參考

			1					4 144			
<b>總類</b>		染手類		般高類		偶然類		翻數	自摸	出銃	
立直 ■	1	混一色	2	一般高	1	槓上開花	1	1	4	12	
門清 / 自摸 / 断么 / 平和 ▽ n・	n 1	清一色	5	雙般高	3	搶槓	1	2	8	24	
	11 - 1	缺一門	1	一色三同順	4	海底撈月	1	3	16	48	
五門齊		2	一色四同順	大例	河底撈魚	1	4	30	90		
字牌類						天和 ■	小例	5	40	120	
役牌(每組)	1	刻槓類		三色類	三色類		小例	6	50	150	
小三元	2+	暗槓 (每組)	1	三色同順	2	人和■	小例	7	60	180	
大三風	3	對對和	2	小三色同刻	2			8	70	210	
大三元	小例	三暗刻	2	三色同刻	5	特殊牌形		9	80	240	
小四喜	小例	三連刻	3				2	10+	90	270	
大四喜	大例	三槓	5	數字組合類		十四不靠 ■	2	小例	120	360	
字一色	大例	四暗刻 ■	小例	清龍	2	十三么九 ■	小例	大例	160	480	
四暗刻單騎■  大		大例	四歸一(每種)	1	十三么九十三面 ■	大例					
么九類		四連刻	小例	四歸二 (每種)	2						
混全帶么	2	四槓	大例	四歸四 (每種)	4+	■:門清限定					
純全帶么	3			九蓮寶燈 ■	小例	▽:0-1種0翻、2種1翻、3種2翻、全部3翻					
混么九	3+	懸賞		純正九蓮寶燈 ■	大例	一翻起和:計算懸賞(☆)前,需要有最少一翻					
清么九	大例	寶牌 (每種) ☆	1	七連對■	大例	才可和牌					